

DECANVS

*F*

13

COLLEGII MEDICI

IN

ACADEMIA IVLIA CAROLINA

PETRVS GERIKE

SERENISSIMI DVCIS BRVNSVICENSIS ET LVNEBVGENSIS CONSILIARIVS  
AVLICVS ET ARCHIATER THEORIAE ET MATERIAE MEDICAE AC  
CHYMIAE PROFESSOR PVBLICVS ORDINARIVS ET ACADEMIAE REGIAE  
SCIENTIARVM ET LITTERARVM HVMANIORVM  
BEROLINENSIS SODALIS

PROPEMPTICO

DE

GYMNASTICAE MEDICAE VETERIS

INVENTORIBVS

AD

DISSERTATIONEM INAVGVRALEM

VIRI

DOCTISSIMI AC CLARISSIMI

FRIDERICI BOERNERI

LIPSIENSIS

INVITAT.

*8*





Q. D. B. V.



**V**t rerum factarum omnium, ita etiam disciplinarum & artium admodum tenuia sunt principia, & obscuri natales. Quod de Democriti ac Epicuri atomis, inuisibilibus, & vnde nomen acceperunt, insectilibus narratur, produisse ex illarum congressu ac coalitu paulatim in conspectum corpuscula aegre conspicienda, mox semper maiora, donec maxima quaeque sui generis & certis nominibus inter se inuicem distincta iis varie conglomeratis absoluerentur: in eum modum disciplinarum & artium principia prima, & quae ex his paulatim oriuntur, quasi distracta vel oculis se ab

initio subtrahunt, vel non animaduertuntur, donec ab aliis obseruata & collecta quasi flocculos constituent, & vltcrius ac cum cura aliqua tractata maiorem iustamque aliquam formam acquirant. Factum hinc est, vt multarum rerum, disciplinarum & artium inuentores primi in obscuro manserit, plurimarum diuersi autores adhuc celebrentur & olim celebrati sint, aliarum frustra adhuc quaerantur. Accedit huc, in designandis quidem inuentoribus antiquis, quod plurima veteris aevi monumenta paulatim interierint, alia forte adhuc quaedam, vel multa, tenebris sepulta iaceant. Sunt aliae adhuc plures causae, nostris etiam temporibus haud difficulter animaduertendae, quibus contingere potuit, vt ad hos potissimum, vel falso inuenti alicuius gloria delata, illis inique detracta sit. Exemplum sumamus ab arte nostra, qualis ea olim fuit, medica, & quidem curatiua, quam salubri longe antiquiorem esse dicunt, &, si inuentionis ac culturae habeatur ratio, vere dicere licet. Eius ergo ante diluuium longo tempore non modo semina quaedam, sed nec contemnendum habitum extitisse, nullum mihi dubium videtur. Quae enim de vitae temperantia non eius modo aevi, sed post diluuium multis aetatibus, passim apud autores narrantur, & Medicinae antiquissimis temporibus vtilitati, necessitati ac existentiae opponuntur, suauia mihi semper visa sunt somnia, ex aureo Poëtarum seculo deriuata, quaeque nec cum expositione Mosaica, & duro tandem diluuii remedio adhibendo, neque cum profanorum hominum narrationibus ceteris recte consistere queunt: nisi quis for-

forte sibi persuadere velit, omnes tum e Sethi, tum e Caini prosapia ad eos annos peruenisse, quos vtriusque lineae Patriarchae attigerunt, idque temperantiae & perpetuae hinc effectae sanitatis argumentum arbitretur. Sed primos quidem & omnes medicinae ante diluuium autores hoc cum arte sua in perpetuum profundissime submersit. A diluuiio varii ab autoribus in variis nationibus & diuersis temporibus Medicinae inuentores celebrantur: quos quidem singulos plus minusue ad artem hanc aliquando effigiendam contulisse, probabile est: ipsam tamen post seculorum demum XIX. interuallum a diluuiio, & XXXVI. fere seculo a condito orbe, secundum computum vulgarem, quem vero tempora illa minus coarctare puto, in eam formam redegit HIPPOCRATES, itaque locupletauit, vt huic vnico Medicinae inuentio praecipua quadam ratione tantum non communi consensu attributa sit, & recte tribuenda videatur; cum & integram artem complexus sit, & in systema quoddam compaginauerit, cuius adhuc fundamenta subsistunt, etsi ea omne aedificium nunc non sustentent.

Simile curatiuae, sed hac longe benignius & inter media gaudia nascendi fatum habuit Gymnastica; quae in genere si consideretur, ars est humani corporis motus voluntarios ad certos fines & vsus, sed quos nulla exigit necessitas, varie dirigendi; quaeque a diuersa hac destinatione trifariam olim diuisa fuit, in athleticam, militarem, vel potius aemulam militarium exercitationum dicendam, & medicam. Non idem prorsus de cuiusque harum partium ori-

gine omnes statuunt, & Mercurialis, Medicus antiquarum rerum peritissimus, qui de arte Gymnastica omni pereruditum commentarium composuit, contra Galenum ex Homero docet, eo, quod milites Graeci, dum a militiae laboribus iis vacaret, disco, lucta, cursu, aliis, sese exercuerint belli Troiani tempore, iam artis eius semina quaedam iacta fuisse, quasque primordia eluxisse. (\*) Quamuis ille natales eius alius repetere potuisset, si non modo, quod Galenus concedit, cunctos homines ad musicam & gymnasticam propensos nasci, cogitasset, sed etiam quousque propensio ea homines fere omnes a pueritia ferat, quotidiana experientia, ut arbitror, edoctus in hac controuersia aestimare voluisset. Quae enim in Gymnasiis olim instituebantur exercitationum genera tantum non omnia, quaeque Mercurialis ordine & ample recenset, eiusmodi sunt, ut vbiuis terrarum, vbi puerorum coetus aliquis congregatur, plus minusue peragi, facile obseruari queat, & probabile fiat, sine memoranda quadam institutione & sine libro ea plerumque suscipi: etsi antecedentem gregem in hoc etiam negotio fere sequi posteriores soleant. Quare ab Adami, certe a Caini posteris plerisque multa eorum mox factitata esse, quae post seculorum aliquot decursum in Gymnasiis fiebant, etsi ab illis minus compositae, nil est, quod dubitemus: accessisse vero prioribus tempore procedente imitamina eorum exercitiorum, quae in belli usus varios & olim mature homines didicerunt. Culta ea omnia  
dein-

---

(\*) MERCVRIAL. Lib. I. cap. 5.

deinceps semper magis sunt pro puerorum & iuuenum ingenio, alacritate, industria, experientia acquisita, & reliquo otio. Sed vix arbitror, digna ea scriptores alicuius nominis tum reperisse, quae commentariis suis illustrarent: quod fieri coepit ab eo tempore, quo puerorum illae pleraeque occupationes virorum & integrarum nationum negotia esse, & inter maximae ardua haberi coeperunt; ut tandem etiam Romanorum grauitas, Graecorum vanitatem, quam multum antea irriserat, imitata, illa ludosque alios partem negotiorum publicorum & religionis suae fere praecipuam constituerit. Ex quibus etiam temporibus pretium operae & necessum visum, rerum harum exercitatissimos ceu magistros iis praeficere, qui alios easdem recte edocerant, curarentque, ut omnia, ubi solemnia primum Graecia, deinceps S. P. Q. R. insaniebat, ratione aliqua cohaerentia & ad certum quondam ordinem peragerentur. Hi, cum agendum aliud plerumque non haberent, artem eam postea ita amplificauerunt inuentis subinde nouis, ut inter operosissimas referri posset, nec parum in palaestra studii ponendum ei esset, qui pentathli modo victoriam sperare vellet. Fuit autem ab initio statim facile obseruare, quod corpora iis exercitationibus, si debite instituantur, robustiora fieri & vires acquirere maiores possint, vel, si sagina accederet, habitum eius auctiorem, pleniorum & firmiter reddi. Quare nec dubium esse potest, ad hunc finem obtinendum, qui deinceps gymnasticae proximus & fere praecipuus fuit, mox etiam illas exercitationes directas fuisse, quas naturalis primum in-

instinctus, voluptas & temporis fallendi studium generauerant. Et haec quidem athleticae, seu gymnasticae, quam ob malos vsus, variaque paulatim admixta vitia, vitiosam Galenus vocat, origo, hi progressus fuerunt. De bellica Gymnastica seorsim nunc non dicam, cum ab instituto nostro magis haec aliena, ceterum vero dubium sit, an ea notabilem in bello vsu habuerit, & satis constet, plerasque exercitationes, quae in bello vsui esse queunt, extra gymnasia, vel vbi eorum nulla erant, vti olim Romae, & in reliquo Latio, a militiae praefectis & ducibus ordinatas fuisse.

Pergamus itaque tandem ad Gymnasticam medicam, quae nostrae potissimum arenae est, & de cuius inuentione inter Medicos maxime disputatur. Tribui autem eius inuenti gloria a plerisque nunc solet HERODICO, quem Gorgiae, Sophistae celebris, fratrem faciunt, SELYBRIANO. (\*) Ansam id statuendi dedit Plato hac narratione. (\*\*) *Herodicus autem, cum esset exercitandorum magister iuuenum, essetque valetudinarius, miscens gymnasticam medicinae, primo se omnium, deinde & posteros multos taedio affecit. Hoc etiam plus verbis proxime praecedentibus dicere, & medicinae clinicae inuentionem ei adscribere videtur, quando, hac, inquit, nostra medicinaria facultate, morborum pedissequa, Aesculapii sectatores ante Herodicum, ut fertur, minime sunt vsi.* Quae

(\*) Vid. DAN. LE CLERC *Histoire de la Medecine*. Part. I. Liu. 2. Chap. 8. & MERCURIAL. de arte gymnast. cap. I.

(\*\*) PLATO de republica. Lib. 3. p. 326. Version. Marsilii Ficini.



Quae tamen duplex posterior assertio extra contro-  
uersiam est falsa. Sed de ea re nunc non agitur.  
Quod ergo ad artem gymnasticam medicam attinet,  
idem indicare Galenus videri queat, quando scribit, (\*)  
illam paulo ante Platonem exortam esse. Circa  
enim tempus illud vixit Herodicus. Agitasse vero  
hunc simile quid in Medicina, ex Hippocrate con-  
stat, memorante alicubi, (\*\*) Herodicum fe-  
brientes interfecisse circuitibus, luctis, multis fo-  
mentis: si modo nullum esset dubium, Selybria-  
num hic ab Hippocrate intelligi. Quod ne nullum  
putetur, Galenus facit, quando ad hunc locum com-  
mentatus ait: quem autem nunc Prodicum memo-  
ret, Leontium, an Selybrianum, quaerere, super-  
uacuum est. Vt adeo inde pateat primo quidem,  
eundem, quem Herodicum Hippocrates vocat, a  
Galeno Prodicum appellari; tum vero, duo circa ea  
tempora ex Galeni sententia floruisse, Prodicti, vel  
potius Herodici nomine notos: quos ambo etiam  
iisdem locis natalibus, quae Galenus nominat,  
distinctos, Plato allegat. Cum Herodico in-  
uentionis huius gloriam communicandam putat  
Dan. Clericus ICCO TARENTINO, allegatque  
proinde locum quendam Platonis, (\*\*\*) vbi  
Philosophus hic fecisse idem ei videtur. In quo viri  
doctissimi & perspicacis attentionem desidero, cum  
Plato ibi de re prorsus alia loquatur. Verba eius,  
B  
quae

(\*) GALENVS in arte tuendi sanitatem &c. ad Thrasylulum. c. 33.

(\*\*) de Morbis epidemiis. Lib. VI. Sect. 3.

(\*\*\*) Vid. Et. Protagoras. p. m. 135.

quae ceterum ob alias rationes notari merentur, haec sunt: *audiui praeterea, nonnullos eam artem (de Sophistica agit) appellasse gymnasticam, quod ICCVS TARENTINVS fecisse videtur, & qui adhuc superest, sophista nullo inferior, SELYBRIANVS HERODICVS. — Alii sub musicae artis velamine sophisticam facultatem occuluerunt. Hi omnes, sicut dictum est, & ob deuitandam inuidiam, vehementer nomen dissimularunt, & sub artium aliarum praetextu sophisticam artem occuluerunt.* Fuit vero hic Iccus victor pentathli & optimus Gymnastes, (\*) temperantia sua tempore certaminis adhibita clarus (\*\*) circa Olympiad. 77. adeoque aetate paulo maior Herodico, coaeuo Hippocratis, qui demum natus est Olymp. 80. anno 1. An vero etiam, cum quo elogio ab aliis allegatur, Medicus fuerit, deinceps videbimus: quamuis ad nostram rem minus intersit, an Medicus vocari debeat, quam Herodicus; cum nullo certo indicio constet, *Gymnasticam medicam eum ratione vlla attigisse.*

Vt iam nunc de huius inuentione & inuentoribus eo rectius statui queat, dispiciendum ante accuratius est, quid eo nomine intelligatur, & qualem quantamque Medicinae partem eadem constituat. Explicat nobis haec omnia optime Galenus in libro, quem supra citavi, ad Thrasybulum, vnde pauca huc transferre, e re nostra erit. Describit ergo is *Gymnasticam, quod sit facultatum in exercitationibus* possi-

(\*) Vid. PAVSANIAS in Eliacis part. 2.

(\*\*) AELIANVS variar. histor. Lib. XI. cap. 3. PLATO de legibus Lib. VIII. p. 487.

*positarum scientia* ; seu, quam vim exercitationes ad mutandum corpus humanum habeant ; vel, si ad vsum eius, qui frequentissimus erat, respiciamus, ad mutandum corporis habitum & vires. Gymnasticam autem medicam secundum ea, quae libro hoc & alibi disputat, ita definire licet, quod sit facultatum in exercitationibus positarum, ad sanitatem conseruandam & augendam, scientia. Nimirum, vt antea iam ostendi, Gymnasticae illius, quae in omnibus Gymnasiis exercebatur, finis proximus, (nam plures alii erant, vt voluptas, placendi, plausus & brabea obtinendi, Deosque venerandi studium) ad corpus referebatur, ita, vt instituendis exercitationibus illius habitus magnus, firmus, viriumque in exercendis motibus voluntariis incrementum quaereretur : medicae vero Gymnasticae finis erat sanitas, virium in omnibus functionibus incrementum & habitus etiam externus corporis bonus ; quatenus augmentum illud & habitus hic cum bona valetudine consistere queunt ; cum qua non semper recte concordant. Fuit ergo Gymnastica medica pars salubris, seu Hygieines. Neque vero etiam aegri exercitationibus validis, quales in gymnasiis potissimum instituebantur, valde idonei sunt, nec illarum causa eo saepe confugiebant. Cum autem salubris secundum auxiliorum materias, quae res nonnaturaes vulgo dicuntur, a Galeno in quatuor partes apte distribuatur, quarum prima nimirum in assumtis ; altera in iis, quae fiunt ; tertia in his, quae euacuantur ; & quarta in rebus, quae forinsecus accedunt, versatur :

Gymnastica vero medica ea maxime tractet, quae sunt, sed non omnia, verum voluntarios tantum motus, ad vitam sustentandam non necessarios: manifestum est, quod Galenus inde recte concludit, valde exiguum salubris particulam constituere eam Gymnasticam; quamvis illa minime contemnenda proinde sit, nec usu egregio destituatur. Quare autem PLATO sub Gymnasticae vocabulo vniuersam Hygieinen comprehenderit, & Medecinam hinc omnem in curatricem & gymnasticam distinxerit, rationes videre licet apud Galenum, libro allegato capite 38. & 39. Pertinebant ergo ad Gymnasticam medicam, vel eius auxilia, omnium motuum & exercitationum genera, quae a pueris & iuuenibus olim inventa & paulatim elegantius exculta, in Gymnasiis postea a paedotribis docebantur. Arbitror autem ad intelligendum perquam facile esse, olim pueros, vel iuuenes, certe eorum parentes & magistros, ad illorum certamina & reliqua corporis exercitia cum ratione aliqua attendentes, haud difficili opera animaduertisse, quod iis institutis sanitatis ratio varie conseruari, augeri & minui queat; inque ea re aestimanda rusticis saltim nostrorum temporum, & his quidem paulo emunctiorum narium, illos minime fuisse hebetiores; sed mature & subinde non contemnenda sanitatis & virium tuendarum praecepta ex obseruatis suis deduxisse.

Ex his ergo quasi atomis flocculi, & hi paulatim maiores facti constituendo iustae alicuius magnitudinis corpori, seu conspiciendae arti gymnasticae plurimam

rimam materiam suppeditarunt. Quo mihi minus mirabile videtur, quod de AESCVLAPIO memorat Galenus, (\*) ad ciendos vehementiores animosae partis motus, corporisque temperamentum iusto calidius efficiendum, aliis cantilenas & mimos ridicularum rerum, aliis vero venari, equitare, atque armatos exerceri praecepisse, iisdemque motuum ipsorum speciem, utique quibus motus iniunxit; tum armorum, quibus armatis exerceri praecepit, definiuisse. Non enim quo pacto excitetur erigaturque animosa pars, cum imbecilla sit, praecipere sat eum habuisse, nisi etiam mensuram ab exercitationum idea definiret. Reliqua huc spectantia, loco in margine citato legi possunt, & merentur. Nec causam video, cur hoc Galeni testimonium suspectum reddere, & ex adulandi Deum patrium affectu dictum velit Clericus (\*\*). Apparet quoque inde simul, moxque clarius apparebit, diuersum ab Herodico Aesculapium sibi proposuisse scopum, animae scilicet robur, virium huius augmentum, temperamenti mutationem, & forte alias mentis emendationes: minime tamen interim, an omnem artem gymnasticam, vel magnam eius partem complexus fuerit cum vehementiorum quorundam a Galeno tantum motuum mentio fiat. Docet porro idem Galenus (\*\*\*) cum Platone, (\*) antiquos Asclepiadas inte-

B 3

gra

(\*) GALENVS de tuenda sanitate Lib. I. cap. 8.

(\*\*) Hist. de la Med. Part. I. Liv. I. Chap. 14.

(\*\*\*) GALENVS ad Thrasibulum cap. 33.

(\*) PLATO de rep. Lib. 3. p. m. 326.

gra ea medicinae partae, quae diaetetica vocatur, non admodum esse vfos; additque tandem, quod antea iam allegavi, paulo ante PLATONIS tempora gymnasticam artem exortam, eodemque tempore athletarum exercitationem emerfisse.

Anne igitur extra controuersiam poni debet, HERODICVM quem in ea tempora incidere ostendi, quique, vt Plato ait, gymnasticam medicinae miscuit, gymnasticae medicae fuisse autorem, hoc est, in formam eam notabilem reduxisse, vel amplissimis praeceptis auxisse, vel utroque modo & singulari quodam eius studio id elogii mereri? Nam semina eius artis fructusque aliquos olim & passim disseminata fuisse, superius monstraui. Ita quidem perhibent, idque e Platone manifestum esse putant, qui instituti huius ab Herodico coepti duplicem occasionem alleget, nimirum quod & Gymnasio praefuerit, & valetudinarius fuerit, adeoque in hac sua arte sanitati suae praesidium quaesierit. Ad quas accedat, quod eum PLATO alibi Medicum appellat: (\*) vt adeo binae eius professiones mutuas quasi manus inuicem praebuerint, ad partus eius exclusionem. (\*\*) Quorum tamen omnium nil me mouet, vt Herodicum Gymnasticae medicae idoneum & verum autorem existimem: cum praesertim veterum Medicorum nullus, quod sciam, eo honore illum dignetur.

(\*) PLATO in Gorgia p. m. 197.

(\*\*) LECLERC: il étoit Medecin, & de plus maitre d'une Académie, où la Jeunesse venoit s'exercer, ce qui lui donna occasion de faire entrer dans la Médecine la Gymnastique.

gnetur. Medicum eum fuisse ante qualemcunque inuentionem suam, quod ad rem magnopere pertinet, valde dubito: post illam repente talem prodiisse, ut hodieque vna alteraue curatione tentata contingere solet, non improbabile est. Quare etiam verba apud PLATONEM prolata, quibus Medicus appellatur, ironiam valde sapere mihi videntur; si modo quicquam ad Selymbrianum pertinent. Paedotriba hic cum fuerit, hoc est, exercitiorum in Gymnasio instituendorum doctor, obseruauit, illorum quaedam ad curandum corpus suum & aliorum conferre aliquid posse, vel ita iudicauit. In se itaque primum, mox in aliis experimenta fecit, infeliciter quidem vtrumque, uti ex Hippocrate intelleximus. Cum vero & Sophista esset, veri speciem haud leuem habet, hac fiducia fretum eum ad praxin medicam vtramque exercendam, se accinxisse, & mundum suum mox reperisse. Quid ergo porro reperit, vel saltem agitauit? artem, ut ex allegatis testimoniis apparet, curandi morbos, aliquos, an multos? per exercitationes. Sed in hoc Gymnastica medica, praecipue certe, non consistit, neque ea ad curatiuam pertinet. Non ergo fuit Herodicus Gymnasticae medicae autor. Quisnam ergo, vel qui? Eos nobis recenset GALENVS, (\*\*\*) nulla, quod nota-

(\*\*) Selymbria, quod in Propontide Thraciae situm oppidum erat, oriundum Herodicum Gymnasticam medicinae miscuisse, PLUTARCHVS affirmat, citatis ceterum iisdem fere verbis, quae paulo ante ex PLATONIS libro tertio de rep. allegauim. Eum vero, quem PLATO in Gorgia Medicum dicit, Gorgiae fratrem vocat, qui Gorgias Leontinus e Sicilia erat. Conf. locus e Platone allegatus in Protagora supra p. 10.

notari meretur, Herodici, vel Prodicti, iniectione. *Legitimae*, inquit, *gymnasticae* *autores* *iam accersamus* HIPPOCRATEM, DIOCLEM, PRAXAGORAM, PHILOTIMUM, ERASISTRATUM atque HEROPHILUM, & quicumque totam artem ad corpus pertinentem didicerunt: & inferius capite 41. *verae autem & legitimae artis gymnasticae* HIPPOCRATES, & nuper cum ipso enumeratus illustrium virorum coetus eius peritus est. Est vero nunc horum antesignani nobis praecipue habenda ratio, tempore etiam prioris; qui ut omnem artem curatiuam in corpus quoddam ordine redegit, ita & salubri primus aliquam formam dedit, & locupletissime instruxit: ad quem proinde vniuersae Medicinae inuentio insigniori quadam ratione & jure optimo referri debet. Idem & partem salubris illam, quae motus voluntarios tractat, seu facultates horum ad tuendam sanitatem docet, eorum etiam quorundam, quae in Gymnasiis instituebantur, primus perspicue exposuit, & illi fini obtinendo magis, quam antea factum erat, accommodauit: quamuis nullum, quod Galenus etiam obseruauit, cum singulari Gymnasticae medicae, vel simili aliquo insignitum titulo librum conscripserit, deque illius a se omnium mortalium primo repertae gloria adeo parum sollicitus sit, ut leuem Gymnasticae mentionem in libris suis faciat. Utut ergo non omnino nihil sit, quod hac ratione Medicinae paulo ante PLATONIS tempora adiecit HIPPOCRATES, parsque eius aliqua deriuata a palaestra: cum tamen artem inde quandam

fin-



singularem, & singulari nomine appellandam nec is, nec alii eius temporis effecerint, neque in libris, aut monumentis, quae adhuc extant, aliis, quidquam reperiatur, unde colligere liceat, magni illius apparatus, quo Gymnasia paulatim semper magis instruebantur, multum & ad certas regulas compositum usum, sanitatis tuendae causa, quod posterioribus temporibus contigit, iam tum fuisse: vero non absimile videtur, ea, quae de Gymnastica medica ante Platonis tempora inuenta, vel in artis formam redacta perhibentur, mera commenta esse. Leue, ut nunc apparet, est, sed forte aliquibus minus recte facere videri possem, dimittens Hippocratem, noua ea qualicunque gloria auctum, nullo prius examine facto, annon eam forte Herodico surripuerit. (\*) Aiunt enim, huius illum fuisse discipulum. Et quid porro? aut quo argumento? quia in palaestra usitata quaedam exercitia tractat. Redimus, uti videtur, in circulum. Et num solus tunc repertus fuit Herodicus, qui palaestram aliquam dirigeret, vel palaestrarum artium usum monstraret? Nonne ut omnis generis homines, ipsosque Philosophos eius & insculti temporis factitasse legimus, Hippocrates quoque se

C

reli-

---

(\*) Libros certe de diaeta tres, qui in Hippocratis operibus extant, & ubi de usu exercitationum varia adducuntur, Herodico tribuendos esse, CLERICI coniectura est. Part. I. Liu. 3. Chap. 13. sed nulla haec alio fundamento nixa, nisi quod is Gymnasticae medicae inuentor, omni antiquitate consentiente, habeatur; quem tamen conuersum non reperi.

reliquae turbae immiscere, cumque aliis ibi corpus suum exercere, quod postea Galenus etiam fecit, potuit, & inde propria mentis vi colligere, quid ex usu foret rerum earum ad artem salubrem amplificandam? Sed Herodico ad eam rem perficiendam Praeceptore eum opus habuisse antiquis testimoniis non constat, nec uti quidem potuisse, iam ostendi.

Restat, ut pauca adhuc de duplici professione, quatum ICCVS, tum ipse HERODICVS celebratur, addam: cum opinionem illae confirmasse videntur, quasi autoribus iis enata Gymnastica sit medica. Vtrumque ergo primum Medicum vocant. Sed an, & quomodo convenire hic titulus Herodico Selybriano possit, iam ostendi. Iccum qui sic appellant, scriptores nimis sunt recentes, quam ut perhibere de ea re testimonium valeat: etsi fieri potuerit, ut vulgari & latissima significatione id nominis meruerit. Vtrumque porro Gymnasii exercitiis praefuisse, certius constat, sed uti tituli eorum docent, diuersa ratione. Iccum enim optimum Gymnasten vocat Pausanias, Herodicum vero Plato Paedotribam. (\*) Gymnasten magistrum omnium exercitationem extitisse, earum vires ac potentias ad sanitatem conducen-tes callentem, existimat Mercurialis, (\*\*) autoritate Galeni fretus, cuius de tuenda sanitate libri secundi caput XI. allegat: sed frustra. Afferit enim Galenus quidem, Gymnasten virtutis singulorum motuum  
scien-

(\*) Loca supra p. 8. & 10. allegavi.

(\*\*) Lib. I. cap. 12.

scientiam habere, sed ad sanitatem eos referre scire, non addit; sed in hoc potius scientiam eius finire, vt dicere possit, qui motus corpus gracile, musculosum, durum, compactum, praeterea vegetum reddant, vel qui horum contraria efficiant. Hoc paedotribam adhuc inferiorem facit, paedotriba, in-quiens, quoque quicquid in palaestra motuum geritur, pernouit: quid quisque motus efficere queat, ignorat; & sub allegati capitis finem: quod igitur paulo ante diximus, paedotribam esse gymnastae ministrum, vt medici coquum, id nunc quoque ostensum est. Idem ex Aristotele (\*) discere licet, ita referente: adolescentes gymnasticae & paedotribicae tradendi sunt: quarum altera aliquam facit habitudinem corporis, altera operationes. Vt alia nunc, breuitatis causa, testimonia omittam: cum ex his, quae allegaui, satis constet, nil illis quidem temporibus Gymnastae, multo autem minus Paedotribae cum Medicina commune fuisse, vel saltem non plus, quam coquo. Insecutis vero temporibus vtriusque illius generis homines, ad Herodici exemplum, gymnasticam & paedotribicam medicinae magis ac magis miscuisse, ita vt Hippocratem etiam corrigere quidem ausi sint in libris, quos de artibus suis conscripserunt, Galenus non vno loco cum fastidio obseruauit.

Occasionem huic commentationi dedit VIR  
DOCTISSIMVS, cuius in titulo Inauguralem Dissertatio-

C 2

tatio-

(\*) Politic. Lib. 8. cap. 3.

tationem indico. Cum enim Is mihi nuper significaret, in animo sibi esse, honores in Medicina summos in hac Academia capeßere, deque arte Gymnastica noua Dissertationem se conscribere, quam Inauguralis speciminis loco Eruditorum publico examini subiicere vellet, rogans, vt Programmata aliquo illam comitarer : conueniens mihi statim selecto argumentum scriptionis visum fuit, de Gymnasticae medicae veteris inuentione & inuentoribus pauca quaedam differere, cum praesertim olim, quando Medicinae historiam alios docebam, aliqua de hac materia ab autoribus tradita, vltiori examine digna iudicarem. Quibus ergo praemissis reliquum est, vt Candidati nostri, Viri Doctissimi Clarissimique, FRIDERICI BOERNERI, Lipsiensis, natales, quos splendidos habuit, & vitae studiorumque rationem, quam tenuit, breui vitae curriculo iisdem prorsus verbis, quibus a se illud conscriptum mihi exhibuit, nunc proponam :

Ego FRIDERICVS BOERNER, lucem primum aspexi *Lipsiae*, die XVII. Iunii. A. MDCCXXIII. Patrem veneror sexagenarium & vltra, quemque diu adhuc saluum esse iubeat Deus O. M. CHRISTIANVM FRIDERICVM BOERNERVM, Sanctae Theologiae Doctorem eiusdemque in Academia patria Professore Primarium, Ecclesiae cathedralis Misenensis Canonicum Custodem, Consistorii Lipsiensis Assessorem, Academiae Decemvirem & Seniore, caet. Matrem vero colui DOROTHEAM SYBILLAM, GODOFREDI GRAE-

GRAEVII, Consulis olim apud Lipsienses filiam, vix mihi sexenni praematureo fato ereptam.

A teneris statim omnem in me tum educando, tum erudiendo optimi parentes nauarunt operam. Factum id est tam in domo paterna fidelissimorum praeceptorum institutione, quam postea GRIMAE, oppido prope Lipsiam, ob scholam Prouincialem satis claro, cura viri integerrimi, Dn. M. IO. GOTTL. CLEMENT, cuius fidei tradiderat me optimus Pater. A. MDCCXXXVII. autem, cum studiorum moderator, cuius ductu fidelissimo per quinquennium vsus fueram, vocaretur *Torgauiam* ad capeffendum munus in Lyceo ibi florente Subreftoris, hunc eo, iubente ita Patre amantissimo, fecutus per triennium literis operam nauaui, naftus praeter CLEMENTEM, Viros, ob fingularem in rebus agendis fidem, nemini in patria ignotos, Dn. M. MICH. HENR. REINHARDVM, tunc Rectorem, iam coetus Belgrani facri Pastorem Primarium plurimum Reuerendum, & Dn. M. IO. FRIDER. SCHROEDERVM, Conreftorem. Edoftus ibi literas, quibus iuuenilis aetas impertiri debet, A. MDCCXXXIX. Lipsiam reuerfus, in album studiosorum relatus fui fasces Academiae tenente Viro Illustri IO. CHRIST. GOTTSCHEDIO. Quo feliciores autem studiorum facerem progressus, iuffu Parentis *Halam* adhuc adii *Salinam*, in Paedagogium, quod ibi floret, Regium me contuli, fideliffimaque hic optimorum virorum instructione, in elegantioribus potiffimum literis vsus, tandem ad lares patrios redii. Hic vniuerfae

Philosophiae ergo adii CRVSIVM, in oratoriae praeceptis & declamando pariter ac exercitiis disputatoriis GOTTSCHEDIVM, & cum primum Theologiae me dicare animus esset, in lingua sanctiori SANKIVM, in Theologiae ipsius vero praeceptis Venerandum Patrem. Herbarum vero notitiam, quarum a teneris amator fui, accepi Duce Illustri A. W. PLAZIO. Habui etiam A. MDCCXLIII, die XXX. Octobr. ipso restaurationis euangel. religionis anniuersario sacro in templo academico orationem solemnem, *de incrementis restauratae religionis euangelicae ex restauratione literarum*, quae variis annotationibus aucta lucem forsan videre potest.

Anno sequenti MDCCXLIV. Lipsiam mutui cum Leucorea, quae *Vitebergae* est, Prorectore Academiae Magnifico, Illustri WEIDLERO Mathematico celeberrimo, in numerum ciuium receptus. Mutata vero sede, mutui etiam animum, non tamen temere, sed sufficientibus rationibus commotus, & ex Theologorum castris ad Medicorum transii. Adii igitur Viros Magnificos Experientissimos, STENZELIVM in physiologia methodoque medendi; VATERVM in anatome, materia medica & botanica, cui incomparabili Anatomico etiam cadauer masculinum secanti adstiti; LANGGVTHIVM in chirurgia; & in Philosophia Naturali Celeb. BOSIVM, quem beneuolum inprimis veneror Fautorem. Praeter hos, Celeberrimorum quoque Virorum ILLVSTRIS BERGERI, & HASSENI scholas frequentaui, *Huius* in noscenda Lingua Anglica-

licana, *Illius* in historiarum monumentis explicandis, tam eis, quae antiqua spectant tempora quorumque documenta fouet Museum Regium Dresenense; tam eis, quae circa eruditionis fata versantur. Sic studiis academicis ad finem perductis, vltimum idque nobilissimum artis nostrae restabat caput. Interrupta igitur vita academica A. MDCCXLVI. *Brunsuigam* me contuli ductum & hospitium nactus Viri experientissimi & in arte sua exercenda felicissimi. D. D. IO. IVL. SCHLAEGERI Collegii Medici Ducalis Assessoris dignissimi, cui multum me debere profiteor. cum non eius solum ductu morbos nosse & curare, verum & ipsius vices apud aegros saepe obtinere contigit. A. MDCCXLVII. cum SERENISSIMVS PRINCEPS, Collegium Medicum Brunsvigae adornaret, ipso primo solennis confessus die specimen aliquod publici iuris feci, quo *de adoranda Dei Maiestate ex mirabili narium structura* differerem, quo factum vt ex clementissima Principis voluntate locum in Societate medica obtinerem. Praeterea etiam nuper *primam Biographiae Medicorum nostro aeuo celebrium partem* diuulgavi, vnde praestantissimos Medicos per literas nosse contigit, quod commercium maximopere mihi gratulor.

Ita ergo praeparatus & ornatus ad Facultatem nostram, postquam prius inter ciues nostros Academicos nomen suum professus est, accessit, inque solitis examinibus ita se nobis exhibuit, vt non dubitemus, honores & priuilegia Doctoris medici Ei  
con-

conferre. Quod cras fiet, habita Inaugurali Dissertatione *de arte Gymnastica noua* sub Praesidio Viri Illustris, *Laurentii Heisteri*, Academiae & Facultatis Nostrae Senioris; vt publico hoc specimine illam seque omnibus probet. Quem actum vt Magnificus Academiae Prorektor, Amplissimus Senatus Academicus, Hospites & Ciues bonis litteris fauentes, praesentia sua splendidiorem reddere velint, Facultatis nostrae nomine, obseruanter & officiose rogo.

P.P. die X VI. Maii. A. O. R.  
clō 15<sup>to</sup> cc XLVIII.

